



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU SAVEZA ZA NOVU POLITIKU

Broj: 03-07-6-335/15
Sarajevo, 30.03.2016. godine

SADRŽAJ

| | |
|---|---|
| MIŠLJENJE REVIZORA | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 5 |
| Predmet pregleda i kontrole | 5 |
| Cilj pregleda i kontrole | 5 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5. NALAZI..... | 5 |

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila pregled finansijskih izvještaja Saveza za novu politiku za 2014. godinu i to: godišnjeg finansijskog izvještaja za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2014. godinu Saveza za novu politiku, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Saveza za novu politiku za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Savez za novu politiku se finansirao iz sljedećih izvora¹:

| R/B | Izvori finansiranja | Iznos (KM) | Učešće u izvorima finansiranja (%) |
|-----------|--------------------------------------|-----------------|------------------------------------|
| 1. | Članarina | 0,00 | 0,00% |
| 2. | Prilozi fizičkih lica (3-a) | 1000,00 | 15,31% |
| 3. | Prilozi pravnih lica (3-b) | 0,00 | 0,00% |
| 4. | Prihodi od imovine (3-c) | 0,00 | 0,00% |
| 5. | Prihodi od pr.lica (3-d) | 0,00 | 0,00% |
| 6. | Prihodi od poklona (3-e) | 0,00 | 0,00% |
| 7. | Prihodi iz budžeta (3-f) | 5.533,61 | 84,69% |
| 8. | Prihodi od propag. (3-g) | 0,00 | 0,00% |
| 9. | Ostali prihodi | 0,00 | 0,00% |
| I | Ukupni prihodi (1-9) | 6.533,61 | 100,00% |
| II | Kreditno zaduženje kod banaka | 0,00 | 0,00% |
| | Izvori finansiranja (I+II) | 6.533,61 | 100,00% |

U godišnjem finansijskom izvještaju stranka je iskazala ukupne rashode u iznosu od 14.616,97 KM.²

2. PREDSTAVLJANJE POLITIČKE STRANKE

Naziv političke stranke je Savez za novu politiku. Skraćeni naziv stranke je SNP.

Savez za novu politiku upisan je u registar političkih organizacija kod Osnovnog suda u Bijeljini, rješenjem broj: 080-0-F1-14-000011 od 07.04.2014. godine.

Sjedište stanke je u Bijeljini, Neznanih junaka 29/11.

Lica ovlaštena za zastupanje stranke su Zoran Mastilo, predsjednik i Petar Mitrović, zamjenik predsjednika.

Lice ovlašteno za podnošenje finansijskih izvještaja za 2014. godinu je Srđan Ilić.

Prema podacima iz godišnjeg finansijskog izvještaja za 2014. godinu, stranka nema niže nivoe organizovanja.

¹ Podaci iz korigovanog obrasca 3 (izvori finansiranja) koji je dostavljen 03.09.2015. godine.

² Podaci iz korigovanog obrasca 4 (ukupni rashodi) koji je dostavljen 03.09.2015. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Saveza za novu politiku za 2014. godinu i finansijski izvještaj za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Saveza za novu politiku obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Kontrola finansijskih izvještaja obavlja se prvi put.

5. NALAZI

Na osnovu našeg pregleda, odnosno kontrole godišnjeg finansijskog izvještaja za 2014. godinu, nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

Troškovi predizborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Bosne i Hercegovine, Savez za novu politiku je u svrhu izborne kampanje mogao da potroši 186.274,80 KM.

Savez za novu politiku u godišnjem finansijskom izvještaju iskazao je troškove izborne kampanje u iznosu od 556,17 KM.

KOMENTAR

U ostavljenom roku, Savez za novu politiku nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2014. godinu.

Šef Odsjeka za revizijske poslove

Sanja Tošović

Šef Službe za reviziju

mr.sc Hasida Gušić

Revizor

Nevenko Andan

³ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.